



Isalathiso: 2017-0110-7130  
13/1/1/2

Imibuzo: W Mercur

INgcaciso eMfutshane yeCandelo leKharityhulam yeFET: DCF 0001/2017

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zoQuquzelelo neNgcebiso, kuBaphathi bezeNgcaciso, uKuphathwa noLawulo lwaBasebenzi ngoBuchule, kuBaphathi beeSekethe, kwiiNtloko zoQuquzelelo neNgcebiso ngeze/IG, kuBaququzeleli boVavanyo, kuBacebisi ngezeKharityhulam, kwiiNqununu nakootitshala beelwimi bezikolo eziphakamileyo

**Isihloko: Ukuqaliswa kokufundwa koncwadi olumiselweyo lweSatifikethi seMatriki sikaZwelonke (National Senior Certificate) (NSC)) seBakala 12 lwazo zonke iilwimi kwiimviwo zika-Oktobha/Novemba 2017 neemviwo zangoFebruwari/Matshi 2018**

1. Le ingcaciso emfutshane ichaphazela ukuqaliswa kokufundwa koncwadi olumiselweyo lweemviwo zeSatifikethi seMatriki sikaZwelonke (National Senior Certificate) (NSC)) zeBakala 12 zango-Oktobha/Novemba 2017 kunye neemviwo zangoFebruwari/Matshi 2018 mayifundwe kunye neSetyhula S4 ka-2008 yowe-08 Meyi 2008; iSetyhula S13 ka-2013 yowe-02 Disemba 2013; iSetyhula S15 ka-2014 yowe-12 Novemba 2014 kwakunye neSetyhula S4 2016 yowe-28 Oktobha 2016.
2. Emva kokukhutshwa kwekhathalogu yokuqala i-Grade 10-12 Literature Catalogue ngo-2015, kwaye kwaqatshelwa ukuba ezinye iilwimi azinazo iimathiriyeli zokufunda ezintsha kuzo zonke iintlobo zoncwadi njengoko kufunekayo. I-DBE yaqalisa emva koko ngenkqubo yokuskrina eqhubeka ngo-2016, ngenjongo yokuvula izikhewu. Nakuba kunjalo, inkqubo yokuskrina ka-2016 ibingekabi nako ukuqwalasela iimathiriyeli ezifanelekileyo zokuvula izikhewu njengoko injongo yayikukwenjenjalo kwasekuqaleni.
3. Emva kokuthetha-thethana nabo bonke abathathi-nxaxheba, nangesizathu sokuba kungekho mathiriyeli zintsha kwezinye zezihloko ezifunekayo, iSebe leMfundo esiSiseko likazwelonke (Department of Basic Education) (DBE)) ligqibe ekubeni limisele la manyathelo exesha lenguqu alandelayo:

**Iilwimi zeNkobe zaseBurhulumenteni (Home Languages) (HL) kunye neelwimi zokuQala ezoNgezelelweyo (First Additional Languages) (FAL))**

- a) Kwimeko apho *i-Literature Catalogue* ka-2015 inika uluhlu olupheleleyo lohlobo loncwadi oluthile, izihloko ezitsha ziya kuqalisa ukusetyenziswa ngo-2017 njengoko kucwangcisiweyo. Umzekelo, uLwimi lweeNkobe lweSiNgesi (*English Home Language*) lunoluhlu olupheleleyo lweenoveli ezimbini ezintsha (eziphantsi kodidi lwe-*classic* kunye nodidi lwe-*contemporary*). Oku kuthetha ukuba kuya kufundwa iinoveli zibe mbini ezintsha ngo-2017, yaye kusetwe kuzo iphepha lemibuzo loncwadi kuviwo luka-Oktobha/Novemba 2017 nakwiphepha lemibuzo loncwadi kuviwo lukaFebruwari/Matshi lweNSC ngo-2018.
  - b) Kwimeko apho *i-Literature Catalogue* ka-2015 inganiki luhlu olupheleleyo lwezihloko kuhlobo loncwadi oluthile, izihloko ezingekhoyo makufakwe endaweni yazo izihloko ezisuka kwiSetyhula S4 ka-2008. Umzekelo, kwimeko yoLwimi lweeNkobe makufakwe idrama ibe nye kuphela endaweni yezimbini, abafundi baya kukhetha phakathi kokufunda idrama entsha okanye bakhethwe ibe nye esuka kuluhlu olucatshulwe kwiSetyhula S4 ka-2008.
  - c) Kwimeko apho kungekho zihloko zitsha zikhoyo zohlobo loncwadi oluthile kwi-*Literature Catalogue* ka-2015, izihloko ezicatshulwe kwiSetyhula S4 ka-2008, ziya kufundwa yaye zivavanywe kwiimviwo zeNSC zikaOktobha/Novemba 2017 nakwiimviwo zeNSC zangoFebruwari/Matshi 2018.
4. Kubaluleke kakhulu ukuqaphela ukuba kumiselwe isihobe (*poetry anthology*) soLwimi lweeNkobe kunye nesoLwimi lokuQala oloNgezelelweyo ngalunye. Ukuba inqanaba lolwimi olo lunengqokelela entsha (*new anthology*) yemibongo, iphepha lemibuzo loviwo lweNSC luka-Oktobha/Novemba 2017 nangoFebruwari/Matshi 2018 luya kuqulatha imibongo ekhethwe isuka kwinqokelela yesihobe entsha.
  5. Ngokufanayo, kwimeko apho *i-Literature Catalogue* ka-2015 inganiki ngqokelela zemibongo ezintsha, umzekelo, i-FAL yesiZulu, neyinqokelela ecatshulwe kwiSetyhula S4 ka-2008, iya kufundwa yaye ivavanywe kwiimviwo zeNSC zika-Oktobha/Novemba 2017 nakwiimviwo zangoFebruwari/Matshi 2018.
  6. Ngokufanayo nakwisihobe, inye kuphela ingqokelela yamabalana amafutshane emiselwe uLwimi lokuQala oloNgezelelweyo lwaseburhulumenteni. Ukuba inqanaba lolwimi olo inengqokelela entsha, iimviwo zika-Oktobha/Novemba 2017 neemviwo zangoFebruwari/Matshi ziya kusetwa kumabalana amafutshane akhethwe kwi-*Literature Catalogue* ka-2015.
  7. Kwimeko apho *i-Literature Catalogue* ka-2015 inganiki ngqokelela yamabalana amafutshane, umzekelo, i-FAL yesiXhosa, eyinqokelela ecatshulwe kwiSetyhula S4 ka-2008, iya kufundwa yaye ivavanywe kwiimviwo zeNSC zika-Oktobha/Novemba 2017 nakwiimviwo zangoFebruwari/Matshi 2018.

8. Isikhokelo esinikwe kwiSetyhula S15 ka-2014 ngokuphathelele kuNcwadi lweMveli (*Folklore*) (eyesithoba i-HL yaseburhulumenteni yoLwimi lweSiNtu) sisasebenza kwiimviwo zeNSC zika-Oktobha/Novemba 2017 nakwiimviwo zangoFebruwari/Matshi 2018.
9. Fumana apha kuqhotyoshelwe **isiHlomelo A (ikhasi 1-5)** uluhlu lwezihloko zeeNoveli eziya kufundwa ngo-2017 kuLwimi lweeNkobe lwaseburhulumenteni nakuLwimi lokuQala oloNgezelelweyo ngalunye.
10. **isiHlomelo B (ikhasi 6-10)** siqulathe uluhlu lwezihloko zeDrama eziya kufundwa ngo-2017 kuLwimi lweeNkobe lwaseburhulumenteni nakuLwimi lokuQala oloNgezelelweyo.
11. **isiHlomelo C (ikhasi 11-23)** siqulathe uluhlu lwezihloko zemiBongo eya kufundwa ngo-2017 kuLwimi lweeNkobe lwaseburhulumenteni nakuLwimi lokuQala oloNgezelelweyo ngalunye.
12. **isiHlomelo D (ikhasi 24-30)** siqulathe uluhlu lwezihloko zamaBalana amaFutshane eziya kufundwa ngo-2017 kuLwimi lweeNkobe lwaseburhulumenteni nakuLwimi lokuQala oloNgezelelweyo ngalunye.
13. **isiHlomelo E (ikhasi 31-40)** sidwelisa izihloko zoNcwadi lweMveli oluya kufundwa ngo-2017 kuLwimi lweeNkobe lweSiNtu lwaseburhulumenteni ngalunye.
14. **isiHlomelo F (ikhasi 41-43)** siqulathe uluhlu lwezihloko zeeLwimi zeSibini ezoNgezelelweyo.

#### **iilwimi zeSibini ezoNgezelelweyo zaseBurhulumenteni (SAL)**

15. Lo gama iinKcazelo zoMgaqo-nkqubo weKharithulam noVavanyo (*Curriculum and Assessment Policy Statements*) (CAPS)) imisela ukuqalisa ukusetyenziswa kweentlobo zoncwadi ezine, ezizezi, isihobe, inoveli, idrama kunye namabalana amafutshane, kwiPhepha lokuQala le-SAL, inkqubo yokukhetha izihloko ayikwazanga ukukhetha uluhlu olupheleleyo lwezihloko ezifanelekileyo kwii-SAL ezininzi.
16. Ngenxa yesi sizathu, iilwimi zeSibini ezoNgezelelweyo (*Second Additional Languages*) (SALs)) ziya kunika izihloko ezifumanekayo kwi-*Literature Catalogue* ukulungiselela iimviwo zika-Oktobha/Novemba 2017 neemviwo zeNSC zangoFebruwari/Matshi 2018. Kwimeko apho kungekho zihloko zitsha, ii-SAL ezichaphazelekayo ziya kuqhubeka ngokunika kuphela amaBali amaFutshane kwiimviwo zeNSC zika-Oktobha/Novemba 2017 nakwiimviwo zangoFebruwari/Matshi 2018. Kwimeko apho kukho izihloko ezitsha, ezi ziya kuqaliswa ukongezelela kumaBalana amaFutshane akhoyo, ngokungaphandle kwe-SAL yesiXhosa.

17. Kutyunjwe izihloko ezitsha kwezi lwimi zilandelayo neziya kuqalisa ukusetyenziswa kwimviwo zika-Oktobha/Novemba 2017 nakwimviwo zangoFebruwari/Matshi 2018. Khangela amakhasi 41 ukuya kwele-43 ukufumana ilisti yezihloko.
- Izihloko ze-SAL kunye neze-SAL yeSiswati zeengqokelela ezintsha zamabalana amafutshane sezityunjiwe
  - Kwi-SAL yesiAfrikansi, kutyunjwe isihloko sedrama esitsha
  - Kwi-SAL yesiNgesi, kutyunjwe inoveli, idrama nengqokelela yesihobe
  - Kwi-SAL yesiXhosa, kutyunjwe izihloko ezitsha zenoveli nedrama
  - Kwi-SAL yesiTswana, kutyunjwe isihloko senoveli esitsha.
18. Kucelwa ngoko nangoko wazise okukule ingcaciso emfutshane bonke abathathi-nxaxheba abachaphazelekayo ukuze bakuthathele ingqalelo.

**ISAYINWE:** NGU-PAD BEETS

**USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA:** 2017-01-10